



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1859**

DCXXIX. Der Rath zu Salzwedel bekundet den Verkauf einer Rente, die Hans Hughe der Brüderschaft des heiligen Kreuzes verkauft hat, am 25. April 1524.

---

---

**Nutzungsbedingungen**

[urn:nbn:de:hbz:466:1-54934](https://nbn-resolving.org/urn:nbn:de:hbz:466:1-54934)

Commenden vnderwinden vnd ahnemen: vnd wan nemandes mer von vnsem geslechte were, schal Eyn Erfamen Radt Eynem anderen armen prester essit Clerick vmme gots willen die Commenden Confereren vnd bouelen vnd die Commendista alle weken dre Myssen tho vffgedachten Altare des hilgen Cruces, Sanct Jacob vnd Eluen dufent Junckfrawen In Sanct Catharinen kercken bynnen der Nygen stat Soltwedel, wo vpsteit, Eyne thor dechnisse vnd tho troste allen Christlouigen Izelen, die ander des Middewekens essit Donnerdages von dem hilgen Lichnam mit dem officio cibauit, die drudde Myse alle frigdage twisschen achten vnd negen slegen in botrachtungh des bitteren liden-des vnser heren Jhesu Cristi, mit deme officio Humiliauit se met ipsum dominus lessen essit dorch Eynen bequemen prester lessen laten, vnder welcher Myssen, de so alle frigdage gelessen wert, scholen die vorstender der vffgenanten Sanct Catharinen kircken bynnen der Nygen Stadt Soltwedell twelff armen Burgeren essit Burgerischen vth der suluigen Nygenstat Soltwedel Eynem ichlichen Eynen penningh Brot, Eynen guden flameschen heringh vnd Eynen Soltwedelschen penningh alle frigdage vmme gots willen geuen, ock scholen se den suluen twelff armen luden Eynem ichlichen eyn gutt par winter scho alle Jarliges des Frigdages Na Martini thokamen laten, wur var ick vnd myn hulfrawe gnanten vorstenderen Eynen gnanten Summen geldes, Inhalt, Siegel vnd breue darauer gegeuen, vornoget hebben. Vnd vp dat sodann Spende moge ewich in boftunt bliuen, schal Eyn te Erfamen Radt samptlich dem Commendisten eynen melich vffhebet hebben. Ock schal die Commendista dem Erfamen Rade der Nygenstadt Soltwedel alle Jare achte schillingh Soltwedelsche tho vinalia geuen. Vnd alles vorgescreuen stede vaste thoholden vnd so ewichlich thobliuende, hebben die Erfamen Burgermeister vnd Rathmanne der Nygen stad Soltwedell Ingesigel vmme myner slitigen Beden willen willichen hangen hetten bonedden abn diessen brieff. Nach Cristi vnser heren gebort vffsteinhundert vier vndtwintich Jare, Frigdages Na Reminiscere.

Nach dem Originalte des Salzwedelschen Archives XXXIII, 13.

DCXXIX. Der Rath zu Salzwedel bekundet den Verkauf einer Rente, die Hans Hughe der Bruderschaft des heiligen Kreuzes verkauft hat, am 25. April 1524.

Wy Hermen Gartze, Clawes Moller, Diderick Brun, Claus Conningestede, Diderick Boecke, Heyne Berendes, Hans Mechow, Heine Molre, Hinrich Turitze, Curdt Woleman, Clawes Listen, Frederick Gribenn, Benedictus Vinzelberg, Hermen Listen, Henninghe Woleman, Clawes Berteldes, Hans griben vnde Hinrich Meryn, Radtmanne tho Soltwedel, bekennen — dath in vnser ihgehenwardicheyt Hans Hughe, vnse medeborger, recht vnde redeliken to eynem rechten erskope vorkoft hefft vnd vorkoft iegenwardig, in kraft dusses breues, in, an vnd vp synem huse, twischen Steffen Schulten vnd Achim mertens neffen Sanct Laurenz kerkbaue gelegen, twe margk tinsie iarliches vnse der stad weringhe den bescheiden Henningk Trumpen vnd Arendt Garden, gildemeistern vnd gantzen gemeinen gildebruderen des hillighen cruces bruderschop in der knakenbowergilde vnser der oldenstadt vnde allen ohren nakamen, in nuth derfulfsten bruderschop, vor vfflich marck derfulfsten weringhe bouetsummen etc. — Doch demfulfsten Hans Hughen vnd synes bauenbeschreuen huses besitteren den wedderkop hir ahne thobeholdende etc. — na Christi

vnfes herrn geborth Veffleinhundert, dar nha in dem viervndtwintigften iar, ahm mandaghe  
nha Cantate.

Nach einer alten Copie des Salzwedelfchen Archives XIII, 35.

DCXXX. Werner, Curt und Hans von der Schulenburg verſchreiben den Vorſiehern des  
Kleinen Kalandes in Salzwedel eine Rente aus Sellenthin, am 18. Mai 1524.

Wy Werner, Cort und Hans van der Schulenborch, gebroder, Diederiks van der Schulenborch ſone, bekennen offentlig mit dyſſem vnſem breue vor vnſ, vnſe eruen, erffgenamen und luſt vor ydermenniglich, dat wy wolbedechtlich, friwillich, recht und redelich tho eynem rechten erkope vorkofft hebben, vorkopen ock iegenwardich, in crafft und macht diſſes breues, den Erafftigen und Erſſamen Ern Johann Rutzen, decan, Hennink Wolemann, camerer und gemeynen brodern des lutken Kalandes bynnen der olden Stadt Soltwedel und dem hebber diſſes breues mit orem guden wyllen loefz gulden iarlicher renthen im dorppe Sellentin in und ahn Peter Schulte haue, houen, acker, wiſchen, weyde, holten und aller thobehoringe des haues, dar var hefft vnſz ergenomede ern Johann Rutzen woltbodancke ſul und all in ganzen Summen ein hunderth gulden ahn harder ganbar Stettiner Munthe vornoget und gegeben, die wy vurther in vnſe und vnſer eruen nuth und framen gewant hebben. Szodann loefz gulden iarlicher renthe wyl und ſchal irgelmelte Peter Schulte eſte fynes irgeſchreuen Schulden haues und der guder beſitter alle iarlichs vpp Martini ergenomden broderen des lutken Kalandes und oren mithbeſchreuen binnen der Stadt Soltwedel entrichten und betalen. Worde ouerft Peter Schulte und fynes haues mit ſinen thobehoringen der guder beſitter in ſzodaner iarlicher botalunghe ſumich und fellich, denne mogen die vorweſer des lutken Kalandes und ore mithbeſchreuen, ahne vnſe eſte vnſe Eruen wyder ahnfocken, vmme die iarliche renthe panden oder panden laten, eſte mit geiſtlichen oder wertlichen gerichte vtmanen, dar tho willen wy und vnſe eruen ohn behelpen und nimmer hinderlich ſein. Wy Vpgenomede van der Schulenborch und vnſe eruen willen und ſcholen ock ergemelten brodern des lutken Kalandes und oren mithbeſchreuen loefz gulden iarlicher renthe eyn recht were ſin und frigen vor alweme, die ock vordegedingen, vordienſten, vorplichten und vorhegen, gelich andern vnſen guderen by vnſer eygen koſt, terunge und euentur, wan und wo vaken wy dar tho geſecket werden und ſetten ſe in die hebbende brukende were vormiddels crafft diſſes breues. Geſcheget ock, dat got affwende, dat ſzodann hoff, wo Peter Schulte itzunder bowanette, worwüſtede oder luſt brandes wyſſe vornichtet wurde, ſzo dat der vorweſer des lutken Kalandes und ohre mithbeſchreuen neyne pande oder gerechtikeit forderung dar inne bekamen kunden, ſzo moghen ſe ſich holden ahn den wuſten hoff, houen, acker, wiſchen, weyde, holten und allen thobehoringen des ſuluigen haues, der ſich nha ahntale oer iarlicher renthen und nicht hoger geneten und gebuken. Wolden och vorgedachte broder des lutken Kalandes und ohre mithbeſchreuen den acker mit allen thobehoringen des haues, wann der hoff verwuſtet were, vmme ore iarliche renthe nicht vnderſton und ſe vnſ oder vnſzen eruen ſzodans ſchriftlich vorkundigen